



Hans Enoksen
Medlem af Inatsisartut, Partii Naleraq

Danskisut nutserisarneq pillugu § 37 tunngavigalugu apeqqutinut nr. 2025/107 akissut

05-08-2025
Sagsnr. 2025 - 15333
Akt nr. 25570223

Asasara Hans Enoksen,

Inatsisartut suleriaasiat naapertorlugu apeqqutigisannut qujanaq. Apeqqutigineqartut tullinnguuttuni akissuteqarfigissavakka.

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Apeqqut 1: Pisortaqaferinni dansk-it oqaasiinut atuisussaaitaanermut nutserisussaaitaanernullu sorlerpiaat inatsisit, nalunaarutit, peqqussutit allatigullu piumasaqaataappat piumasaqaataasinnaappalluunniit? Uani ataasiakkaarlugit akeqquneqarput.

Akissut:

Inatsisit aalajangersimasut, peqqussutit, malittarisassat allatigullu piumasaqaatit pisortat suliffeqarfiutaasa danskit oqaasiinik atuinissamik/ilaatigut nutserinermik piumasaqaateqarneq ilanngullugu piumasaat, imaluunniit piumasarisinnaasaat pillugit ullumikkut ataatsimut katersukkamik takusassiaqanngilaq. Taamaattumik allattorsimaffik ataaniittoq tamakkiisuunngeriataarsinnaavoq.

Inatsisitigut ukua atuupput:

- Pisortat ingerlatsineranni suliasat suliarineqartarnerat pillugu Inatsisartut inatsisaat pillugu Namminersornerullutik Oqartussat nalunaarutaat Nr. 4 20. april 2021-imeersoq.
- Oqaatsinut politikki pillugu Inatsisartut inatsisaat Nr. 7 19. maaji 2010-meersoq.
- Inatsisartut Naalakkersuisullu pillugit Inatsisartut inatsisaat pillugu Namminersorlutik Oqartussat inatsimmut nalunaarutaat Nr. 15 4. aprili 2023-imeersoq.

Nalunaarutitigut uku atuupput:

- Naalakkersuisut suleriaasiat pillugu Namminersorlutik Oqartussat nalunaarutaat Nr. 28 13. juuli 2022-imeersoq.

Peqqussutit allatigullu piumasaqaatit uku atuupput:

- Inatsisartut Suleriaasiat 24. novemberi 2022-imeersoq.
- Tusarniaanernut malittarisassat 28. april 2023-imeersut.
- Inatsiseqarnermut immikkoortortami inatsisilerinikkut pitsaassutsinik isumannaarinissamut siunnersuutiniq tunniussisarnermut malittarisassat 28. april 2023-imeersut.

- Inatsisitigut nalunaarutit pillugit kaajallaasitaq 17. juuli 2019-imeersoq.

Apeqqu 2: Dansk-isut nutserinissamut oqalutseqartarnernullu, atorfilittat avataaniillu nutserisut oqalutsillu atorneqartut ilanngullugit, qanoq annertutigisumik pisorta qarfiit aningaasartuuteqartarpat?

Akissut:

Namminersorlutik Oqartussat oqaatsinut aalajangersimasunut nutserinermut atatillugu aningaasartuutitut kisitsisinik peqanngillat. Nutserisut nalinginnaasumik oqaatsinut oqaatsinut allanut ataasiinnarnut nutserineq ajorput, kisiannili illuatungeriisillugit nutserineq isumagineqakkajuttarluni, aammalu kalaallisut danskisullu oqaasiunngittunik nutserisarlutik. Taamaattumik nutserinernut aningaasartuutit nalunaarsorneqarsimasut katillugit kisimik nalunaarutigineqarsinnaapput.

Namminersorlutik Oqartussat nutserisarnarat ilaatigut qitiusumik nutserisoqarfeqarluni ilaatigullu suliaasaqarfinni assigiinngitsuni nutserisunik atorfilittaqluni aaqqissuunneqarpoq. Tamakku saniatigut nutserisut avataaneersut atorneqartarput, sulisullu immikkut ittut suliaasat annertunerusut ilaattut oqaluttaanermik nutserinermillu suliaqarsinnaapput. Sulisut nutserinermik toqqaannartumik toqqaannanngitsumilluunniit suliaqartartut katillugit amerlassusaat pillugu nalunaarsugaqanngilaq. Taamaattumik nutserisarfiup avataani nutserisutut suliaasaqartartut pillugit ataavartumik aningaasartuutaasartut pillugit paasisutissiisoqarsinnaanngilaq.

Naatsorsuutit 2024-imeersut naapertorlugit 2024-mi avataaniit nutserinermut aamma nutserinermut allaffeqarfimmut aningaasartuutit uku nalunaarsorneqarput.

2024		
Namminersorlutik		
Oqartussat	Avataaniit nutserinermut	13.924.000
	Nutserinermut allaffeqarfimmut	10.078.000
	- nutserinermut allaffeqarfimmit	
	avaatanit nutsertitat	-1.396.000
I alt		22.606.000

Avataanit nutserisitsinermut tassaapput aningaasartuutit naatsorsuutini nalunaarsorneqarsimasut avataaniit nutserisutut. Nutserinermut allaffeqarfimmut tassaapput aningaasartuutit Nutserinermut allaffeqarfiup immikkoortorta qarfiata kontoani nalunaarsorneqarsimasut. Avataaneersumik nutserinermut nutserisoqarfiup aningaasartuutai marloqiusamik naatsorsorneqannginnissaat anguniarlugu aningaasartuutit pineqartut nalunaarummi ilanngaatineqarput.

Kommunini oqaluttaanernut nutserinermullu aningaasartuutitut Namminersorlutik Oqartussat naatsorsuutaateqanngillat.

Inussiarnersumik inuulluaqqusillunga



Nivi Olsen